

« 10 » հոկտեմբեր 2018թ.

N 434/5

1. Վարչական իրավախախտման վերաբերյալ գործի նկարագրությունը, վարչական ակտն քննարկելու համար հիմք հանդիսացող փաստերը.

Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից Ս. Վարդանյանի կողմից 10.02.2018 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Վլադիմիր Սամվելի Հովսեփյանի կողմից Շահումյան 16-րդ փողոցի հ. 162 հասցեի հարևանությամբ՝ Երևան համայնքին սեփականության իրավունքով պատկանող հողամասի վրա, ինքնակամ իրականացվել է քարե շարվածքով պարսպի կառուցման շինարարական աշխատանքներ, որի վերաբերյալ 13.02.2018 թվականին կազմվել է վարչական իրավախախտման վերաբերյալ թիվ 027733 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Վլադիմիր Սամվելի Հովսեփյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Վլադիմիր Սամվելի Հովսեփյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել վերջինիս չհայտնաբերելու պատճառով:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական՝ այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Իրավական ակտերի մասին» ՀՀ օրենքի 5-րդ հոդվածի 6-րդ մասի 2-րդ կետով, 71-րդ հոդվածի 1-ին մասի 5-րդ կետով, 76-րդ հոդվածի 2-րդ մասով, «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով 04.04.2018 թվականի վարչական իրավախախտման գործի վերաբերյալ հ. Վ-13/14 որոշմամբ 13.02.2018 թվականին քաղաքացի Վլադիմիր Սամվելի Հովսեփյանի նկատմամբ կազմված հ. 027733 արձանագրության հիման վրա հարուցված վարչական վարույթը կասեցվել է մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Վլադիմիր Սամվելի Հովսեփյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Վլադիմիր Սամվելի Հովսեփյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Վարչական իրավախախտման գործի վերաբերյալ 30.05.2018 թվականի հ. Վ-20/19, 01.08.2018 թվականի հ. Վ-29/12, 03.10.2018 թվականի հ. Վ-36/8 որոշումներով քաղաքացի Վլադիմիր Սամվելի Հովսեփյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 06.06.2018 թվականի հ. Վ-21/12, 08.08.2018 թվականի հ. Վ-30/12 որոշումներով կասեցվել է 13.02.2018 թվականին քաղաքացի Վլադիմիր Սամվելի Հովսեփյանի նկատմամբ կազմված հ. 027733 արձանագրության հիման վրա հարուցված վարչական վարույթը մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Վլադիմիր Սամվելի Հովսեփյանի մասնակցությունը ապահովելու նպատակով Երևանի քաղաքապետարանի կողմից կրկին

միջոցներ են ձեռնարկվել քաղաքացի Վլադիմիր Սամվելի Հովսեփյանին Երևանի քաղաքապետարանում 10.10.2018 թվականին կայանալիք նիստին ծանուցելու համար:

Համաձայն ՀՀ ոստիկանության Երևան քաղաքի վարչության Մաշտոցի բաժնի պետի 10.10.2018 թվականի հ. 34-8395 գրության՝ Շահումյան 16-րդ փողոցի 162 հասցեի բնակիչ Վլադիմիր Սամվելի Հովսեփյանը հրաժարվել է ստանալ Ձեր կողմից ուղարկված թիվ 001156 ծանուցագիրը կից փաստաթղթերով: Նշված գրությանը կից ներկայացված՝ ոստիկանության աշխատակիցների 08.10.2018 թվականին կազմված արձանագրության «... Վլադիմիր Հովսեփյանը հրաժարվեց ստանալ ծանուցագիրը միաժամանակ հայտնելով, որ որևէ փաստաթուղթ չի ստորագրելու...»:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների ուսումնասիրմանը քաղաքացի Վլադիմիր Սամվելի Հովսեփյանի մասնակցությունը ապանշվելու նպատակով Երևանի քաղաքապետարանի կողմից բազմիցս միջոցներ են ձեռնարկվել ծանուցումները քաղաքացուն պատշաճ հանձնելու համար: Ծանուցումները առաքվել են «Հայփոստ» ՓԲԸ-ի միջոցով՝ պատվիրված նամակներով, քաղաքացու բնակության /հաշվառման/ Շահումյան 16-րդ փողոցի հ. 162 տուն հասցեով, սակայն նամակները չեն հանձնվել հասցեատիրոջը և ետ են վերադարձվել քաղաքապետարան՝ «Զպահանջված» նշումով, ինչպես նաև այցելել վերոնշյալ հասցե:

Քաղաքացի Վլադիմիր Սամվելի Հովսեփյանը տեղյակ է իր նկատմամբ կազմված արձանագրության / հ. 027733 արձանագրությունը քաղաքացի Վլադիմիր Սամվելի Հովսեփյանը ստորագրել և ստացել է/, հարուցված վարչական վարույթի մասին, սակայն միտումնավոր խուսափում է ստանալ ծանուցագրերը, խոչընդոտելով իր նկատմամբ հարուցված վարչական վարույթի իրականացմանը:

Նկատի ունենալով վերոգրյալը, համարվեց, որ քաղաքացի Վլադիմիր Սամվելի Հովսեփյանը ծանուցվել է Երևանի քաղաքապետարանում 10.10.2018 թվականին կայանալիք նիստի վերաբերյալ:

Գործի քննության ընթացքում ուսումնասիրվեցին արձանագրությունը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 14.03.2018 թվականի հ. 19/44-11444, 19.04.2018 թվականի հ. 19/9158h, 26.07.2018 թվականի հ. 19/13359h, 01.10.2018 թվականի հ. 19/11444h գրությունները, Երևանի քաղաքապետարանի աշխատակազմի հասարակական կարգի պահպանության ծառայության պետի 26.03.2018 թվականի հ. 51/44-5973, 22.05.2018 թվականի հ. 51/44-11444h գրությունները, Երևան քաղաքի Աջափնյակ վարչական շրջանի ղեկավարի 10.04.2018 թվականի հ. 28/23930 գրությունը, ՀՀ ոստիկանության Երևան քաղաքի վարչության Մաշտոցի բաժնի պետի 10.10.2018 թվականի հ. 34-8395 գրությունը, կից արձանագրությունը և իրավախախտման լուսանկարը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Վլադիմիր Սամվելի Հովսեփյանի կողմից Շահումյան 16-րդ փողոցի հ. 162 հասցեի հարևանությամբ՝ Երևան համայնքին սեփականության իրավունքով պատկանող հողամասի վրա, ինքնակամ իրականացվել է քարե շարվածքով պարսպի կառուցման շինարարական աշխատանքներ, որով թույլ է տվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի համաձայն՝ հողօգտագործման իրավունք չունեցող անձանց կողմից պետությանը և համայնքներին սեփականության իրավունքով պատկանող

հողամասերի վրա շենքեր և շինություններ ինքնակամ կառուցելը առաջացնում է տուգանքի նշանակում՝ սահմանված նվազագույն աշխատավարձի չորս հարյուրապատիկի չափով:

Համաձայն «Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Համաձայն Օրենքի 49-րդ հոդվածի 1-ին մասի «գ» կետի՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Համաձայն Օրենքի 49-րդ հոդվածի 3-րդ մասի՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, Օրենքի 49-րդ հոդվածի 1-ին մասի «գ» կետով, 3-րդ մասով, 219.1-րդ, 281-րդ և 282-րդ հոդվածներով, Երևանի քաղաքապետի 23.08.2013 թվականի թիվ 4180-Ա որոշմամբ (փոփոխ. 01.08.2017 թվականի թիվ 2645-Ա)՝

ՈՐՈՇԵՑԻ

1. Քաղաքացի Վլադիմիր Սամվելի Հովսեփյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 400.000 (չորս հարյուր հազար) ՀՀ դրամի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվին:

3. Սույն որոշումը կարող է բողոքարկվել Հայաստանի Հանրապետության օրենսդրությամբ սահմանված կարգով:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱԽԱՍՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ ՊԵՏ՝

ԱՆԴՐԱՆԻԿ ՄԱՐՏԻՐՈՍՅԱՆ

